



烏臺詩案

監察御史裏行何大正劄子



御史臺根勘所元豐二年七月四日准中書批送下

太子中允權監察御史裏行何大正劄子臣伏見祠

部員外郎直史館知湖州蘇軾謝上表其中有言愚

不識時難以追陪新進老不生事或能牧養小民愚

弄朝廷妄自尊大宣傳中外孰不嘆驚夫小人為邪

治世所不能免大明旁燭則其類自消固未有如軾

為惡不悛怙終自若謗訕譏罵無所不為道路之人

則又以為一有水旱之灾盜賊之變軾必唱言歸咎



新法喜動顏色惟恐不甚今更上明章疏肆為詆謗無

無所忌憚矣夫出而事主所懷如此世之大惡何以復加昔成王戒康叔以助王宅天命作新民人有小罪非眚乃惟終不可不殺蓋習俗污陋難以丕變不如是不足以作民而新之况今法度未完風俗未一正宜大明誅賞以示天下如軾之惡可以止而勿治乎軾所為譏諷文字傳於人者甚衆今獨取鏤板而鬻於市者進呈伏望

陛下特賜留神取進止元豐二年三月二十七日垂

拱殿進呈奉

聖旨送中書

監察御史裏行舒亶劄子

太子中允集賢殿校理權監察御史裏行舒亶劄子
臣伏見知湖州蘇軾近謝上表有譏切時事之言流

俗翕然爭相傳誦忠義之士無不憤惋且

陛下自新美法度以來異論之人固不為少然其大不逞變亂事實造作讒說以為搖奪沮壞之計其次又不逞腹誹背毀行察坐伺以幸天下之無成功而已至於包藏禍心怨望其上訕讐嫚罵而無復人臣之節者未有如軾也蓋

陛下發錢以本業貧民則曰贏得兒童誥音好一年
強半在城中

陛下明法以課試郡吏則曰讀書萬卷不讀律致君
堯舜終無術

陛下興水利則曰東海若知明主意應教斥鹵變桑
田

陛下謹鹽禁則曰豈是聞韶解忘味邇來三月食無
鹽其他觸物即事應口所言無一不以譏謗為主小
則鏤板大則刻石傳播中外自以為能其尤甚者至遠
引衰漢梁竇專朝之士雜取小說燕蝠爭晨昏之

語旁屬大臣而緣以指斥乘輿蓋可謂大不恭矣然
臣切考歷古以來書傳所載其間擾攘之上之人
雖有失德之行違道之政而逆節不軌之臣苟能正
其短以動搖人心亦必回容顧避自託於忠順之名
而後敢出此恭惟

陛下躬履道德立政造士以幸天下後世可謂堯舜
之用心矣軾在此時以苟得之虛名無用之曲學官
為省郎職在文館典領寄任又皆古所謂二千石臣
獨不知

以至如是且人道之所自立者以有義而無逃於天地之間者義莫如君臣軾之所為忍出於此其能知有君臣之義乎夫為人臣者苟能克無義之心往以為利則其惡無所不至矣然則

陛下其能保軾之不為此乎昔者治古之隆責私議之殊說命之曰不牧之民狃於姦宄敗常亂俗雖細不宥按軾懷怨天之心造訕上之語情理深害事至暴白雖萬死不足以謝聖時豈特在不牧不宥而已伏望

陛下體先王之義用治世之重典付軾有司論如大

不恭以戒天下之為人臣子者不勝忠憤懇切之至印行四冊謹具進呈取進止元豐二年七月二日崇政殿進呈奉

聖旨送中書

國子博士李宜之狀

國子博士李宜之狀昨任提舉淮東常平過宿州靈璧鎮有本鎮居止張碩秀才稱蘇軾與本家撰靈璧張氏園亭記記內有一節稱古之君子不必仕不必不仕必仕則忘其身必不仕則忘其君譬之飲食適於饑飽而已然士罕能蹈其義赴其節處者安於故

而難出者狃於利而忘返於是又有違親絕俗之譏懷祿苟安之弊宜之看詳上件文字義理不順言必仕則忘其身是教天下之人必無進以亂取士之法又軾言必不仕則忘其君是教天下之人無尊君之義虧大忠之節又軾稱譬之飲食適於饑飽而已然士罕能蹈其義赴其節宜之詳此即知天下之人仕與不仕不敢忘其君而獨軾有不必仕則忘其君之意是廢為臣之道又軾稱處者安於故而難出者狃於利而忘返於是又有違親絕俗之譏懷祿苟安之弊顯涉譏諷乞賜根勘

御史中丞李定劄子

右諫議大夫權御史中丞李定劄子臣切見知湖州蘇軾初無學術濫得時名偶中異科遂叨儒館及上聖興作新進仕者非軾之所合軾自度終不為朝廷獎用唧怨懷怒恣行醜詆見於文字衆所共知或有燕蝠之譏或有竇梁之比其言雖屬所憾其意不無所寓訟上罵下法所不宥臣切謂軾有可廢之罪四臣請陳之昔者堯不誅四凶而至舜則流放竇殛之蓋其惡始見於天下軾先騰沮毀之論陛下稍置之不問容其改過軾怙終不悔其惡已著

此一可廢也古人教而不從然後誅之蓋吾之所以俟之者盡然後戮辱隨焉

陛下所以待軾者可謂盡而傲悖之語日聞中外此二可廢也軾所為文辭雖不中理亦足以鼓動流俗所為言偽而辯當官侮慢不循

陛下之法操心頑復不服

陛下之化所謂行偽而堅言偽而辯行偽而堅先王之法當誅此三可廢也書刑故無小知而為與夫不知而為者異也軾讀史傳豈不知事君有體訕上有誅肆其憤心公為詆訾而又應制舉對策即已有厭

獎更法之意又

陛下修明政事忽不用已遂一切毀之以非為是此四可廢也而尚容於職位傷教亂俗莫甚於此臣伏惟

陛下動靜語默惟道之從興除制作肇新百度謂宜可以於變天下而至今未至純者殆以軾輩虛名浮論足以惑動衆人故也臣叩頭執法職在糾姦罪有不容其敢苟止伏望

陛下斷自天衷特行典憲非特沮乖惡之氣抑亦奮忠良之心好惡既明風俗自革有補於世豈細也哉

取進止元豐二年七月二日崇政殿進呈奉
聖旨後批四狀并冊子七月三日進呈奉

聖旨送御史臺根勘聞奏

御史臺檢會送到冊子

檢會送到冊子題名是元豐續添蘇子瞻學士錢塘
集全冊內除目錄更不抄寫外其三卷並錄付中書
門下奏據審刑院尚書邢部狀御史臺根勘到祠部
員外郎直史館蘇軾為作詩賦并諸般文字謗訕朝
政及中外臣寮絳州團練使駙馬都尉王詵為留蘇
軾譏諷文字及上書奏事不實按并劄子二道者

供狀

祠部員外郎直史館蘇軾年四十四歲卒貫眉州眉
山縣高祖屹曾祖杲並不仕祖序故任大理評事致
仕累贈職方員外郎父洵故任霸州文安縣主簿累
贈都官員外郎軾嘉祐二年進士及第初任河南府
福昌縣主簿未赴任間應中制科授大理評事鳳翔
府僉判覃恩轉大理寺丞磨勘轉殿中丞差判登聞
鼓院試館職除直史館丁父憂服闋差判官誥院兼
判尚書祠部權開封府推官磨勘轉太常博士通判
杭州就差知密州磨勘轉祠部員外郎就差知河中

府未到任改差知徐州未滿就移知湖州元豐二年四月二十一日到任歷任舉主陝西轉運副使陸訖舉臺閣清要任使提點兩浙刑獄晁端彥舉外擢任使權兩浙提刑潘良器京東安撫使向京並舉召還侍從權京東路轉運副使王居卿轉運判官李察並舉不次清要任使安撫使陳薦蘇澥舉外陟侍從提舉李清臣舉不次升擢任使提刑孔宗翰奏乞召還禁近運判章奏乞召寘侍從安撫使葉廉奏乞顯用提舉李孝孫乞召還侍從安撫使賈昌衡奏乞召還近侍軾任鳳翔府僉判日為中元節假不過知府聽

罰銅八斤任杭州府通判日不舉駁王文敏盜官錢官員公按罰銅八斤皆公罰別無過紀欵招登科後來入館多年未甚進擢兼朝廷用人多是少年所見與軾不同以此撰作詩賦文字譏諷意圖衆人傳看以軾所言為當軾與張方平王詵李清臣黃庭堅司馬光范鎮孫覺李常曾鞏周放蘇轍王鞏劉摯陳襄錢藻顏復盛僑王紛錢世宏吳琯王安上杜子方戚秉道陳珪相識其人等與軾意相同即是與朝廷新法時事不合及多是朝廷不甚進用之人軾所以將譏諷文字寄與如後

與王詵往來詩賦

一與王詵干涉事記熙寧二年軾在京授差遣王詵作駙馬後軾去王詵宅與王詵寫作詩賦并蓮花絰等本人累經送酒食茶果等與軾當年内王詵又送弓一張箭十隻包指十箇與軾熙寧八年成都僧惟簡託軾在京求師號軾遂將本家元收畫一軸送與王詵稱是川僧畫覓師號王詵允許當年有秘丞柳詢家貧于軾軾為無錢得犀一株送與王詵稱是柳秘丞犀欲賣三十貫王詵云不須得犀遂送錢三十貫與柳詢軾與王詵處得師號一道當年内有相國

寺僧思大師告軾於王詵處與小師覓紫衣一道仍將到吳生畫佛入涅槃一軸董為水障一又床屏雀竹一徐熙畫桃花一軸朱繇武宗元畫鬼神二軸說與王詵知後將佛入涅槃及桃花雀竹等與王詵朱繇武宗元畫鬼神軾自收留於詵處換得紫衣二道與恩大師當年軾將畫三十六軸各有唐賢題名託王詵令人裝褙其物料手工並是王詵出偹當年軾通判欲赴任王詵送到茶藥紙筆墨硯漁魚皮紫茸氈翠藤簾等軾留下十一月到任熙寧五年內王詵送到官酒十瓶果子兩部與軾熙寧六年內遊孤山

詩寄詭除無譏諷外有誤隨弓旌落塵土坐使鞭箠
環呻呼以譏諷朝廷新法行後公事鞭箠之多也又
曰追胥保伍罪及孥百日愁嘆一日娛以譏諷朝廷
鹽法奴坐同保妻子移鄉法太急也又曰歲莫無術歸
亡逋鵠則易畫虎難摸意取馬援言畫鵠不成猶類
鶩畫虎不成反類狗言歲既饑若我欲出奇畫賑濟
又恐朝廷不從乃以畫虎不成反類狗也并戲子由
云任從飽死笑方朔肯為雨立求秦優意取東方朔
傳侏儒飽欲死及滑稽傳優旃謂陸續郎汝雖長何
益乃雨立我雖短幸休居言弟轍家貧官卑而身材

長大所以比東方朔陸續郎而以當今進用之人比
侏儒優旃也又云讀書萬卷不讀律致君堯舜終無
術是時朝廷新興法律軾意非之以謂法律不足以
致君於堯舜今時又專用法律而忘詩書故言我讀
萬卷書不讀法律蓋譏法律之中無致君堯舜之術
也又云勸農冠蓋闇如雲送老疊鹽甘似蜜以譏諷
朝廷新聞提舉官所至苛細生事發謫官吏惟學官
無更責也弟轍為學官故有是句又云平生所慚今
不耻坐對疲氓更鞭箠是時多徒配犯鹽之人例皆
饑貧言鞭箠此等貧民軾平生所慚今不耻矣以譏

諷朝廷鹽法太急也又云道逢陽虎欲與言心知其
非口喏唯是時張靚俞希旦作鹽司意不喜其人然
不敢與爭議故毀詆之為陽虎也又山村詩第三首
云烟雨濛々鷄犬聲有生何處不安生但令黃犢無
人佩布穀何勞也勸耕軒意言是時販私鹽者多帶
刀杖故取前漢龔遂令人賣劍買牛賣刀犢買曰何為
帶刀佩犢意言但將鹽法寬平令人不帶刀劍而買
牛犢則自力耕不勞勸督也以譏諷朝廷鹽法太峻
不便也又第二首云老翁七十自腰鑣慚愧春山筍
蕨甜豈是聞韶解忘味邇來三月食無鹽意山中之

人飢貧無食雖老猶自採筍蕨充飢時鹽法峻急僻
遠之人無鹽食動經數月若古之聖人則能聞韶忘
味山中小民豈能食淡而樂乎以譏諷鹽法太急也
第四首云杖藜裹飯去匆匆遇眼青錢轉手空羸得
兒童語音好一年強半在城中意言百姓雖得青苗
錢立便於城中浮費使却又言鄉村之人一年兩度
夏秋稅又數度請納和糴糴錢今此更添青苗助役
語音而已以譏諷朝廷新法青苗助役不便又差開
運鹽河詩云居官不任事蕭散羨長卿胡不歸去來

留滯愧淵明鹽法星火急誰能卹農耕薨薨曉鼓動
萬指羅溝玩天雨助官政泣愁淋衣纓人如鴨與猪
投泥相濺驚下馬荒堤上四顧但胡彌淺路不容足
丈與牛羊爭歸田雖賤辱豈識泥中行寄語故山友
慎勿厭藜羹軾為是時盧秉提舉鹽事擘畫開運鹽
河差夫千餘人軾於大雨中部役其河只為般盐既
非農事而役農民秋田未了有妨農事又其河中間
有湧沙數里軾宣言開得不便軾自嗟泥雨勞苦羨
司馬長卿居官而不任事又愧陶淵明不早棄官歸
去也農事未休而役夫千餘人故云益事星火急誰

能卹農耕又言百姓已勞苦不易天雨又助官政勞
民轉致百姓疲役人在泥水中辛苦無異鴨與猪又
言軾亦在泥中與牛羊爭路而行若歸田豈識於此
哉故云寄言故山友慎勿厭藜羹而思仕宦以譏諷
朝廷開運鹽河不當以妨農事也軾於上件年分寫
上件詩賦與王詵熙寧六年春軾為嫁甥女問王詵
借錢二百貫其年秋又借到錢一百文自後未曾還
又熙寧八年内王詵曾送到官酒六瓶并果子藥等
與軾亦嘗有書簡往復當年并熙寧九年内作薄薄
酒又水調歌頭一首復有杞菊賦一首并引不合云

及移守膠西意其一飽而始至之日齊館索然不堪其憂以非諷朝廷新法減削公使錢太甚齊餧厨薄事皆索然無備也軾又作超然臺記云始至之日歲比不登盜賊滿野獄訟充斥意言連年蝗蟲盜賊獄訟之多非諷朝廷政事闕失并新法不便所致及云齊廚索然日食杞菊以非諷朝廷新法減削公使錢太甚又於上件年分節次抄寫上件詩賦等寄與王說熙寧九年軾寫書與王說為一婢秋蟾欲削髮出家作尼并有相識僧行杭州人各求祠部一道當說與王說自後未取約熙寧十年二月到京王說送到

茶葉酒食等三月初一日王說送到簡帖來曰約出城外四照亭中相見次日軾與王說相見令姨燈六七人出斟酒下食數內有債奴問軾求曲子軾遂作洞儂歌一首喜長春一首與之次日王說送韓幹畫馬十二匹共六軸求短轍意以駢驥自比譏諷執政大臣無能盡我之才如王良之能馭者何必折節干求進用也當月軾又薦會傳神僧為王說寫真乞得紫衣一道四月赴任徐州王說曾送到羊羔兒酒四瓶乳糖獅子四枚龍腦面花象板裙帶繫頭子錦段

之類與軾九月間軾託王翬到京見王說時覓祠部
一兩道與相知僧十月內王翬書來云王說已許諾
未取今年八月二十八日供出與王說相識借得物
物并寄杞菊賦超然臺記題韓幹馬詩與王說因依
又隱諱不曾作開運鹽河詩寄王說情由蒙會問到
王說狀并被王說申送到開運鹽河詩賦軾於九月
二十三日至二十七日方具實招其謗日遊孤山詩
戲子由詩山村詩元准

聖旨係降印行冊子內詩其後杞菊賦超然臺記韓

幹馬詩開運鹽河詩即不係

朝旨降冊子內

與王說作寶繪堂記

一與王翬干涉事熙寧五年內翬言王說說賢兄與
他作寶繪堂記內有桓靈寶之走舸王涯之複璧皆
留意之禍也嫌意思不好要改此數句軾答云不使則
已即不曾改軾先與將官雷勝并同官寄居等一十
人出獵等詩各一首計十首並無譏諷軾後批請定
國將此獵詩轉示晉卿都尉當輸我一籌也王翬字
定國王說字晉卿王說令書表司張遵寄軾詩十一
首并後序云子瞻所寄新詩并獵會事迹誇示一時

之樂會余因四示報樂侍寢清歌者雲英等凡十有一
輒効子瞻十家之詩各以其名製詞一篇寄子瞻不知却復輸此一籌否其意說富貴作樂飲燕即無譏
諷軾字子瞻翬向真廟朝裏尊禮楊大年時人稱之
今王詭尊禮子瞻亦同年爾軾言到家逢着難時節
王詭言向因世居事後也曾到登對奏知今後不敢
與人往還上乃宣諭詭云如溫良之士大夫往還亦
自無害軾言次第自家是不溫良底也其上件詩不
係冊子內

與李清臣寫超然臺記并詩

一與李清臣干涉事熙寧九年軾寫超然臺記寄李
清臣其譏諷已在王詭項內聲說熙寧十年軾知徐
州日六月內李清臣因沂山龍神祈雨有應作詩一
首寄軾其詩曰南山高峻層北山亦崎嶇坐看兩山
雲出沒雲行如驅歸若呼始覺山有靈物欝々其焚
蘭草；其繫鼓祝屢祝巫屢舞我民無罪神所憐一
夜雷風三尺雨嶺木兮蒼蒼溪泉兮央央雲散諸峯
互明滅東阡西陌農事忙廟閉山空音響絕軾後作
一首與李清臣其詩云高田生黃埃下田生蒼耳蒼
耳亦已無更問麥有幾蛟龍睡足亦解慚二麥枯時

雨如洗不知雨從何處來但聞呂梁百步聲如雷試
上南城望城北際天菽粟青成堆飢火燒腸作牛吼
不知待得秋成否半年不雨坐龍懨但怨天公不怨
龍今年一雨何足道龍神社鬼各言功無功目盜太
倉粟嗟我與龍同此責勸農使者不汝容因君作詩
先自効此詩除無譏諷外有不合言卒因龍神慵懶
不行雨却使人心怨天公以譏諷大臣不任職不能
燮理陰陽却使人怨天子以天公比天子以龍神社鬼
比執政大臣及百執事軾自言無功竊祿與大臣無
異當時送與李清臣來相謁戲笑言承見示詩只是

勸農使者不啻恁地事李清臣答弟轍二首於詩後
批云可求子瞻和云匙飯盤蔬強少留相逢何物可
消憂緣君未得酒中趣與我謾為方外遊草亂不容
移馬迹山雄全欲逼城樓濟時異日須公等莫狎翩
翩海上鷗軾却作詩二首和李清臣其內一首云五
十塵勞尚足留閑門却欲治幽憂羞為毛遂囊中穎
未許朱雲地下遊無事會須成好飲思歸時欲賦登
樓羨君幕府如僧舍日向城西看浴鷗朱雲漢成帝時
乞斬張禹漢成帝欲誅之朱雲曰臣得下從龍逢比
干遊於地下足矣龍逢夏桀臣比干商紂臣皆因諫

而死軾為屢言新法不便不蒙施行以朱雲自比意
言至明之世無誅戮之事故軾未許與朱雲地下遊
王粲是魏武時人因天下亂離故粲在荊州依託作
登樓賦賦中有懷鄉思歸之意軾為屢言新法不便
不蒙施行有罷官懷鄉思歸之意亦欲作此賦也軾
又用弟轍韻與李清臣六首內一首云城南短李好
交遊箕踞狂歌總自由尊至庇民君有道樂天知命
我無憂醉呼妙舞留連夜注云邦直家舞者甚多開作新詩斷
送秋瀟洒使君殊不俗樽前容我攬鬢不清臣家邦
道再次元韻有一首云東萊嘗恨少同遊得遇高人

蘇子由已誓不言天下事相看俱遣世間憂新詩定
及三千首潤別幾成二十秋南省都臺風雪夜問君
還記劇談不輒忘子由清臣差修國史軾賦詩二首
送清臣其詩內一首云珥筆西歸近紫宸太平典策
不緣麟付君此事全書漢載我當時舊過秦門外想
無千斛米墓中知有百年人看君兩眼明如鏡休把
春秋坐素臣謂軾於

仁廟朝曾進論二十五首皆論往古得失賈誼漢文
帝時人追論秦之得失作過秦論史記載之軾妄以
賈誼自比意欲李清臣於國史中載軾所進論故將

詩與李清臣軾在臺於八月二十八日准問目據軾供
供到與人往還詩有所未盡軾供出所與清臣唱和
詩即不係

朝旨降到冊子內

次韻章傳

一與章傳干涉事章傳字傳道熙寧六年正月內詩
次章傳韻和答云馬融既依梁班固亦事竇效顰豈
不欲湏質謝鑄鏤所引梁冀竇憲並是後漢時人因
時君不明遂躋顯位驕暴竊威福用事而馬融班固
二人皆儒者並依託之軾詆毀當時執政大臣我不

能效班固馬融苟容依附也其上件詩係印行冊子

准

朝旨降到者

送劉述吏部

一與劉述干涉事熙寧八年四月十一日軾作詩送
劉述云君王有意誅驕虜椎破銅山鑄銅虎聯翩三
十七將軍走馬西來各開府是時朝廷遣使諸路點
檢軍器及置三十七將官軾將謂今上有意征討胡
虜以譏諷朝廷諸路遣使及致將官張皇不便又云
南山伐木作車軸東海取鼃漫戰鼓汗流奔走誰敢

後恐乏軍資汚斤斧保甲連村團未編方田訟譏紛
如雨邇來手實降新書決剔根株穿脉縷詔書刪怛
信深厚使能淺薄空勞苦以譏諷朝廷法度屢更事
目煩多吏不能曉又云况復年來苦飢餉剥噬草木
啖桑土今年雨雪頗應時又報蝗虫生翅股裏來洗
盡欲強醉寂寥空齋卧空瓶公廚十日不生烟更望
紅裙踏筵擣汪云近齊厨索然可笑又云近來屢得山中信只
有當歸無別語猶將鼠雀偷太倉未肯衣冠掛神武
意謂邇來饑饉飛蝗蔽天之甚以譏諷朝廷政事闕
失新法不便之所致也又云酒食無備齋厨索然以

譏諷朝廷行法減削公使錢太甚公事既多旱蝗又
甚二政臣藩尚如此窘迫所以言山中故人寄信令
歸但軾貪祿未能便掛衣冠而去也又云四方冠蓋
閑如雲歸作二浙湖山主以譏諷朝廷近日提舉官
所至生事竒碎故劉述欲棄官歸湖州也軾在臺八
月二十二日准問目仰軾供具自來做過是何文字
軾說曾寄劉述吏部上件詩因依其詩即不係
朝旨降冊子內

寄周放諸詩

一與周放干涉事軾熙寧五年六月任杭州通判日

逐旋寄所作山村詩其譏諷意已在王詵項內聲說
并留題徑山詩其譏諷已在蘇轍項內聲說及和述
古舍人冬日牡丹絕句有譏諷意已在陳襄項內聲
說即節次寄與周放熙寧六年因往諸縣提點到臨
安縣有知縣大理寺丞蘇舜舉來本縣界外太平寺
相接軾與本人為同年自來相知本人見軾復言舜
舉數日前入州却被訓狐押出軾問其故舜舉言我
摩劃得戶供通家業役鈔規例一本甚簡前日將去
呈本州諸官皆不以為然呈轉運副使王庭老等不
喜差急足押出城來軾取其規例看詳委是簡便因

問訓狐事舜舉言自來聞人說一小話云燕以日出
為旦日入為夕蝙蝠以日入為旦日出為夕爭之不
決訴之鳳凰鳳凰是百鳥之王至路次逢一禽謂燕
曰不須往訴鳳凰在假或云鳳凰渴睡今不記其詳
却是訓狐權攝舜舉意以詰戲笑王庭老等不知是
非隔得一兩日周放李行中二人亦來臨安與軾同
遊徑山蘇舜舉亦來山中相見周放作詩一首與軾
即無譏諷次韻和答兼贈舜舉云鋪餽醉方熟酒而
喚不醒奈何效燕蝠屢欲爭晨暝其意以譏諷王庭
老等如訓狐不分別是非也元豐三年六月十三日

軾知湖州有周放作詩寄軾。軾答云：政拙年年祈水旱，民勞處處避嘲嘔。河吞巨野那容塞，盜入蒙山不易搜。事道故因慚孔孟，扶顛未可責由求。此詩自言遷徙數州未蒙朝廷擢用，老於道路，并所至遇水旱盜賊，夫役數起，民蒙其害。以譏諷朝廷政事闕失，并新法不便之所致也。又云：事道故因慚孔孟，扶顛未可責由求。以言已仕而道不行，則非事道也。故有慚於孔孟。孔子責由求云：危而不扶顛而不持，則將焉用彼相矣。顛謂顛仆也。意以譏諷朝廷大臣不能扶正其顛仆。軾在臺於九月十四日准門目有無未盡。

事軾供出上件詩因依不係朝旨降冊子內

與子由詩

一與弟轍干涉事熙寧四年十月軾赴杭州時弟轍至潁州相別後十一月到杭州本任作潁州別子由詩云：至今天下士去莫如子。猛為弟轍曾在制置條例克檢詳文字爭議新法不合乞罷說弟轍去之果決意亦譏諷朝廷新法不合也。當年十二月內軾初任杭州寄子由詩云：獨眠林下夢魂好，回首人間憂患長。殺馬破車從此誓子來何處，問行藏。又云：眼看

時事力難勝貪戀君恩退未能意謂新法青苗助役等事煩雜不可辯亦言已才力不能勝任也熙寧六年內遊徑山留題云近來愈覺世議隘每到勝處差安便以譏諷朝廷之用人多是刻薄褊隘之人不少容人過失見山中寬閑之處為樂也其詩係朝旨降到冊子內

杭州觀潮五首

一熙寧六年任杭州通判因八月十五日觀潮作詩五首寫在本州安濟亭上前三首並無譏諷至第四首云吳兒生長狎濤淵冒利忘生不自憐東海若知

明主意應教斥鹵變桑田蓋言弄潮之人貪官中利物致其間有溺而死者故

朝旨禁斷輒謂

主上好興水利不知利少而害多言東海若知明主意應教斥鹵變桑田言此事之必不可成譏諷朝廷水利之難成也軾八月二十二日在臺虛稱言鹽法之為害等情由逐次隱諱不說情實二十四日再勘方招其詩係冊子內

和黃庭堅古韻

一元豐元年二月內北京國子監教授黃庭堅寄書

二封并古詩二首與軾其書內一節云伏惟閣下學
問文章度越前輩大雅豈弟博約後來立朝以正言
見排補郡輒上課最可謂聲實於中內外稱職其古
風六首第一首云江梅有嘉實結根桃李場桃李終
不言朝露借恩光孤芳忌皎潔冰雪空自香古來
和冂實此物升廟廊歲月坐成晚烟雨青已黃得升
桃李盤以遠亦見嘗終然不可口擲置官道傍但取
本根在棄捐庸何傷第二首云長松出澗壑千里聞
風聲上有百尺蓋下有千歲苓小草有遠志相依在
平生醫和不病世深根且固蓆人言可醫國何用大

早計大小材則殊氣味若相似軾答書一封除無譏
諷外云觀其文以求其人必輕外物而自重者今之
君子莫能用也今之君子謂近日朝廷進用之人不
能援進庭堅而用之也及依韻答和古風云嘉穀卧
風雨稂莠登我場陳前謾方寸玉食慘無光以譏今
之小人勝君子如稂莠之奪嘉穀又云大哉天宇間
美惡更臭香君看五六月飛蚊隱回廊茲時不少假
俛仰霜葉黃期君看蟠桃千歲終一嘗顧我如苦李
全生依路傍紛紛不足惜悄悄徒自傷意言君子小
人進退有時如夏月蚊虻縱橫至秋月息比庭堅於

蟠桃進必遲自比苦李以無用全生又詩云憂心悄悄
溫於群小以譏諷當今進用之人皆小人也元豐元
年二月三十日軾作文同學士祭文一首寄黃庭堅
看此文除無譏諷外云道之難行哀哉吾徒豈無友
朋逝莫告予意言軾屬曾言新法不便不蒙朝廷施
行是道不行軾孤立無徒故人皆舍之而去無有相
告語者以譏諷當今進用之人與軾故舊者皆以進
退得喪易其心不存故舊之義軾在臺於九月二十
三日淮問目據軾供說其間隱諱有未盡者比聞北
京留守司取問根驗得軾元寫去黃庭堅譏諷書并

祭文於六月十六日再奉取問軾將寄黃庭堅文字
看詳軾方盡供答其意並不係
朝旨降到冊子內

與王紛作碑文

一元豐元年六月王紛寄到僧祖禹偁內翰神道碑
示軾求軾題碑陰軾於當月五月寄與王紛此文除
無譏諷外不合云使其不幸而立於衆邪之間安危
之際則公之所為必將驚世絕俗使斗筲穿窬之流
心破膽裂意謂今日進用之人為衆邪又言今時所
行新法係天下安危故言衆邪之間安危之際也又

謂

天子今時進用之人皆斗筲穿窬之流皆以譏諷朝廷進用之人并新法不便也又云紛紛鄙夫亦拜公像何以占之有泚其額亦以譏諷今時進用之人謂之鄙夫言拜公之像心愧而汗顏也軾在臺於九月三日准問有無盡供答因依即不係

朝旨降到冊子

與劉攽通判唱和

一熙寧三年劉攽通判泰州軾作詩云君不見阮嗣宗臧否不掛口莫誇舌在齒牙牢是中唯可飲醇酒

言當學阮籍口不臧否人物唯可飲酒勿談時事意以譏諷朝廷新法不便不容人直言不若耳不聞而口不問也熙寧四年十月內赴杭州通判到揚州有劉攽并館職孫洙劉摯皆在奉州偶然相聚數日別後軾作詩三首各用逐人字為韻內寄劉攽詩云去年送劉郎醉語已驚衆如今久漂泊筆硯誰能弄我命不在天翠穀未必中作詩聊遣意老大慵譏諷夫子少年時雄辯輕子貢通來再傷弓戢翼念前痛廣陵三日飲相對恍如夢况逢賢主人白酒潑春甕竹西已揮手滄口猶屢送羨子去安閑吾邦正喧閑言

杭州監司所聚是時初行新法事多不便也熙寧六年九月內軾和劉攽寄秦字韻詩云白髮相看兩故人眼看時事幾番新以譏諷朝廷近日更立新法事尤多也當年十一月內劉攽聞人唱軾新作詩一首相戲寄軾即無譏諷軾和本人詩一首云十載漂然未可期那堪重作看花詩門前惡語誰傳出醉後狂歌自不知刺舌君今猶未戒炙眉我亦更何詞相從痛飲無餘事正是春風最好時除無譏諷外不合引賀拔碁以錐刺其子舌以戒言語事戲劉攽又引郭舒狂言為王敦炙其眉以自比皆譏時人不能容狂

直之言也軾八月二十日准問目具述作文字供說已在前項

與湖州知州孫覺詩

一熙寧五年十二月作詩因任杭州通判日蒙運司差往湖州相度堤岸利害因與湖州知州孫覺相見軾作詩與孫覺云若對青山談世事直須舉白便浮君軾是時約孫覺并坐客如有言及時事者罰一大盞雖不指時事是亦軾意言時事多不便更不可說說亦不盡又云天目山前綠浸蕪碧瀾堂下看銜艦作堤垾水非吾事閑送苕溪入太湖又次年寄詩云

徙倚和原上。淒涼晚照中。水流天不盡。人遠意何窮。
問牒知秦過。看山識禹功。稻濃初吠蛤。柳老半書蟲。
荷背風翻白。蓮腮雨退紅。追遊慰遲暮。覓句效兒童。
北望苕溪轉。遙憐震澤通。烹魚得尺素。好在紫髯翁。
上件詩除無譏諷外。不合云作堤堰水非吾事。閑送
苕溪入太湖。軾為先曾言水利不便。却被轉運司差
相度。堤堰軾本非興水利之人。以譏諷時世與昔不
同。而水利不便而然也。軾在臺於九月三日供狀時。
不合云上件詩無譏諷外。再蒙會勘方招其詩係印

行冊子

